

韋應物 郎士元

唐詩百名家全集

埽葉山房發行

韋蘇州集卷二

蘇州刺史 韋應物

懷思

有所思

借問堤上柳青青為誰春空遊昨日地不見昨日人
繞綠萬家井往來車馬塵莫道無相識要非心所親

暮相思

朝出自不還暮歸花盡發豈無終日會惜此花開月空館
忽相思微鐘也來或作未歇

夏夜憶盧嵩

靄靄高館暮開軒滌煩襟不知湘雨來瀟灑在幽林
一云不知微雨
西山鳥鳴幽林炎日得涼夜芳樽誰與斟故人南北

居累月聞徽音人生無閑日歡會當在今反側候天旦
層城苦沉沉

春思

野花如雪繞江城坐見年芳憶帝京閨闔曉開凝碧樹
曾陪鶯鶯聽流鶯

春中憶元二

雨歇萬井春柔條已含綠徘徊洛陽陌惆悵杜陵曲
遊絲正高下啼鳥還斷續有酒今不同思君瑩如玉

懷素友子西

廣陌並遊騎公堂接華裾方歡遽見別永日獨沉吟
階暝流暗駛氣疏露已侵層城湛深夜片月生幽林

往款良未遂來覲曠無音恒當清觴宴思子玉山岑耿耿何以寫密言空委心

對韓少尹所贈硯有懷

故人謫遐遠留硯寵斯文白水浮香墨清池滿夏雲念離心已永感物思徒紛未有桂陽使裁書一報君

月晦憶去年與親友曲水遊燕

晦賞念前歲京國結良儔騎出宣平里飲對曲池流今朝隔天末空園傷獨遊雨歇林光變塘綠鳥聲幽
凋圻積逋稅華鬢集新秋誰言戀虎符終當還舊丘

清明日憶諸弟

冷食方多病開襟一忻然終令思故郡煙火滿晴川
池上懷王卿
杏粥猶堪食榆羹已稍煎唯恨乖親燕坐度此芳年

幽居捐世事佳雨散園芳入門霑已綠水禽鳴春塘重雲始成夕忽霽尚殘陽輕舟因風泛郡閣望蒼蒼
私燕阻外好臨歡一停觴茲遊無時盡旭日願相將

立夏日憶京師諸弟

改序念芳辰煩襟倦日永夏木已成陰公門晝恒靜長風始飄閣疊雲纔吐嶺坐想離居人還當惜徂景
曉至園中憶諸弟崔都水

山郭恒悄悄林月亦娟娟景清神已澄事簡慮絕牽秋塘徧衰草曉露洗紅蓮不見心所愛茲賞豈為妍

懷瑯琊深標二釋子

白雲埋大壑陰崖滴夜泉應居西石室月照山蒼然

雨夜感懷

微雨洒高林塵埃自蕭散耿耿心未平沉沉夜方半獨驚長簾冷遽覺愁鬢換誰能當此夕不有盈襟歎

雲陽館懷谷口

清泚階下流云自谷口源念昔白衣士結廬在石門道高杳無累景靜得忘言山夕綠陰滿世移清賞存
吏役豈遑暇幽懷復朝昏雲泉非所濯蘿月不可援長往遂真性暫遊恨卑喧出身既事世高躅難等論
憶澧上幽居

一來當復去猶此厭樊籠況我林栖子朝服坐南宮唯獨問啼鳥還如澧水東

重九登滁城樓憶前歲九日歸澧上赴崔都水及諸弟燕集悽然懷舊

今日重九讎去歲在京師聊迴出省步一赴郊園期嘉節始云邁周辰已及茲秋山滿清景當賞屬乖離
凋散民里闕摧翳衆木衰樓中一長嘯惻愴起涼颼

始夏南園思舊里

首夏雲物變雨餘草木繁池荷初帖水林花已掃園螢螢蝶尚亂依閣鳥猶喧對此殘芳月憶在漢陵原
登蒲塘驛沿路見泉谷村墅忽想京師舊居追懷昔年

青山導騎遠春風行旆舒均徭視屬城問疾躬里閭煙水依泉谷川陸散樵漁忽念故園日復憶驪山居
荏苒班鬢及夢寢婚宦初不覺平生事咄嗟二紀餘存沒闕已永悲多歡自疎高秩非為美關千淚盈裾

行旅

經函谷關

洪河絕山根，單軌出其側。萬古為要樞，往來何時息。秦皇既恃險，海內被吞食。及嗣同覆顛，咽喉莫能塞。夾靈詎西駕，婁子非經國。徒欲扼諸侯，不知恢至德。聖朝及天寶，豺虎起東北。下沉戰死魂，上結窮冤色。古今雖共守，成敗良可識。藩屏無後賢，金湯獨何力。馳車一登眺，感慨中有惻。

經武功舊宅

茲邑昔所遊，嘉會常在目。歷載俄二九，始往今來復。感感居人少，茫茫野田綠。風雨經舊城，毀垣迷往躅。門臨川流駛，樹有羈雌宿。多累恒悲往，長年覺時速。欲去中復留，徘徊結心曲。

往雲門郊居塗經迴流作

茲晨廼休暇，適往田家廬。原谷經塗澁，春陽草木敷。纔遵板橋曲，復此清澗紆。崩壑方見射，迴流忽已舒。明滅泛孤景，杳靄含夕虛。無將為邑志，一酌澄波餘。

乘月過西郊渡

遠山含紫氛，春野靄云暮。值此歸時月，留連西澗度。謬當文墨會，得與羣英遇。賞遂亂流翻，心將清景悟。行車儼未轉，芳草空盈步。已舉候亭火，猶愛村原樹。還當守故局，悵恨乘幽素。

晚歸澧川

凌霧朝闔闔，闔落日返清川。簪組方暫解，臨水一條然。昆弟忻來集，童稚滿眼前。適意在無事，攜手望秋田。

南嶺橫爽氣高林遠遙阡野廬不鋤理翳翳起荒煙名秩斯邇分廉退媿不全已想平門路晨騎復言旋
授衣還田里

公門懸甲令濟濯遂其私晨起懷愴恨野田寒露時氣收天地廣風淒草木衰山川始重疊川淺更遶迤
煙火生閭里禾黍積東菑終然可樂業時節一來斯

夕次盱眙縣

落帆逗淮鎮停舫臨孤驛浩浩風起波冥冥日沉夕人歸山郭暗雁下蘆洲白獨夜憶秦關聽鐘未眠客
春月觀省屬城始憩東西林精舍

因時省風俗布惠追高年建隼出潯陽整駕遊山川白雲歛晴壑羣峯列遙天巖崎石門狀杳靄香爐烟
榛荒屢冒室遙側殆覆顛方臻釋氏廬時物屢華妍遠昔經始於茲閱幽玄東西竹林寺灌注寒澗泉
人事既云泯歲月復已綿殿宇餘丹紺磴閣峭欹懸佳士亦棲息善身絕塵緣今我蒙朝寄教化敷里鄣
道妙苟為得出處理無偏心當同所尚跡豈辭纒牽

自蒲塘驛迴駕經歷山水

館宿風雨滯始晴行蓋轉潯陽山水多草木俱紛衍崎嶇緣碧澗蒼翠踐苔蘚高樹夾潺湲崩石橫陰巖
野杏依寒拆餘雲冒嵐淺性恆形豈勞境殊路道緬憶昔終南下佳遊亦屢展時禽下流暮紛思何由遣
山行積雨歸塗始霽

始霽升陽景山水閱清晨雜花積如霧百卉萋已陳鳴鶻屢驤首歸路自欣欣

感嘆

傷逝

此後數逝哀傷十九首盡同
總精舍舊居傷懷時所作

染白一為黑焚木盡成灰念我室中人逝去亦不迴結髮二十載賓敬如始來提携屬時屯契闊憂患災
柔素亮為表禮章夙所該仕公不及私百事委令才一旦入閨門四屋滿塵埃斯人既已矣觸物但傷推
單居移時節泣涕撫嬰孩知妄謂當遣臨感要難裁夢想忽如睹驚起復徘徊此心良無已遠屋生蒿萊
往富平傷懷

晨起凌嚴霜慟哭臨素帷駕言百里塗惻愴復何為昨者仕公府屬城常載馳出門無所憂返室亦熙熙
今者掩筠扉但聞童稚悲丈夫須出入顧爾內無依銜恨已酸骨何況苦寒時單車路蕭條迴首長逶遲
飄風忽截野嘹唳雁起飛昔時同往路獨往今詎知

出還

昔出喜還家今還獨傷意入室掩無光銜哀寫虛位悽悽動幽幔寂寂驚寒吹幼女復何知時來庭下戲
咨嗟日復老錯莫身如寄家人勸我餐對棧空垂淚

冬夜

杳杳日云夕鬱結誰為開單衾自不暖霜霰已皚皚晚歲淪夙志驚鴻感深哀深哀當何為桃李忽凋摧
幃帳徒自設冥冥豈復來平生雖恩重遷去託窮埃抱此女曹恨顧非高世才振衣中夜起河漢尚徘徊

送終

奄忽逾時節日月獲其良蕭蕭車馬悲祖載發中堂生平同此居一旦異存亡斯須亦何益終復委山岡
行出國南門南望鬱蒼蒼日入乃云造慟哭宿風霜晨還俯玄廬臨訣但遑遑方當永潛翳仰視白日光
俯仰遽終畢封樹已荒涼獨留不得還欲去結中腸童稚知所失啼號捉我裳卽事猶蒼卒歲月始難忘
除日

思懷耿如昨季月己云暮忽驚年復新獨恨人成故冰池始泮綠梅援還飄素淑景方轉延朝朝自難度
對芳樹

迢迢芳園樹列映清池曲對此傷人心還如故時綠風條洒餘靄露葉承新旭佳人不再攀下有往來躅
月夜

皓月流春城華露積芳草坐念綺窗空翻傷清景好清景終若斯傷多人自老
歎楊花

空蒙不自定况值暄風度舊賞逐流年新愁忽盈素纔縈下苑曲稍滿東城路人意有悲歡時芳獨如故
過昭國里故第

不復見古人一來過故宅物變知景暄心傷覺時寂池荒野筠合庭綠幽草積風散花意謝鳥還山光夕
宿昔方同賞詎知今念昔臧室在東廂遺器不忍覲柔翰全分意芳巾尚染澤殘工委篋篋餘素經刀尺
收此還我家將還復愁惕永絕携手歡空存舊行跡冥冥獨無語杳杳將何適唯思今古同時緩傷與戚

夏日

已謂心苦傷如何日方永無人不晝寢獨坐山中靜悟澹將遣慮學空庶遣境積俗易為侵愁來復難整
端居感懷

沉沉積素抱婉婉屬之子永日獨無言忽驚振衣起方如在幃室復悟永終已稚子傷恩絕盛時若流水
暄涼同寡趣朗晦俱無理寂性常喻人滯情今在已空房欲云暮巢鷺亦來止夏木遽成陰綠苔誰復履
感至竟何方幽獨長如此

悲紉扇

非關秋節至詎是恩情改掩嘆人已無委
篋涼空在何言永不發暗使銷光彩

閑齋對雨

幽獨自盈抱陰淡亦連朝空齋對高樹疎雨共蕭條巢鷺翻泥濕蕙花依砌消端居念往事倏忽苦驚飄

林園晚霽

雨歇見青山落日照林園山多

一作夕

煙鳥亂林清風景翻提攜唯子弟蕭散在琴言同遊不同意耿耿獨

傷魂寂寞鐘已盡如何還入門

秋夜二首

庭樹轉蕭蕭陰蟲還戚戚獨向高齋眠夜聞寒雨滴微風時動牖殘燈尚留壁惆悵平生懷偏來去今夕
霜露已淒漫星漢復昭回朔風中夜起驚鴻千里來蕭條涼葉下寂寞清砧哀歲晏仰空宇心事若寒灰

感夢

歲月轉蕪漫形影長寂寥
鬢髭覲微夢感嘆起中宵
綿思霑流月驚魂颯迴颯
誰念茲夕永坐令顏頰凋
同德精舍舊居傷懷

洛京十載別東林訪舊靡山河
不可望存沒意多違時遷跡
尚在同去獨來歸還見窗中鵲
日暮遠庭飛
悲故交

白壁嚴求瑕素絲易成汙萬里
顛沛還高堂已長暮積憤方盈
抱纏哀忽逾度念子從此終黃
泉竟誰訴
一為時事感豈獨平生故唯見
荒丘原野草塗朝露

張彭州前與緱氏馮少府各惠寄一篇多故未答張已云沒因追哀敘事兼達簡馮生

君昔掌文翰西垣復石渠朱衣乘白馬輝光照里閭
余時忝南省接讌媿空虛一別守茲郡蹉跎歲再除
長懷關河表永日簡牘餘郡中有方塘涼閣對紅蕖
金玉蒙遠貺篇詠見吹噓未答平生意已沒九原居
秋風吹寢門長慟涕漣如覆視緘中字奄為昔人書
髮鬢已云白交友日凋疎馮生遠同恨憔悴在田廬
東林精舍見故殿中鄭侍御題詩追舊書情涕泗橫
集因寄呈闕澧州馮少府

仲月景氣佳東林一登厯中有故人詩淒涼在高壁
精思長懸世音容已歸寂寞澤傳灑餘磨滅親翰跡
平生忽如夢百事皆成昔結騎京華年揮文篋笥積
朝廷重英彥時輩分珪璧永謝柏梁陪獨闕金門積
方嬰存沒感豈暇林泉適雨餘山景寒風散花光夕
新知雖滿堂故情誰能覲唯當同時友緘寄空懷感

同李二過亡友鄭子故第

李與之故
非子所識

客車名未滅沒世恨應長斜月知何照幽林判自芳故人驚逝水寒雀噪空牆不是平生舊道蹤要可傷

話舊

亭中對兄姊妹話蘭陵棠賢懷真已來故事泣然而作

存亡三十載事過悉成空不惜霑衣淚併話一宵中

至開化里壽春公故宅

甯知府中更故宅一徘徊厯厯存往敬瞻位泣餘哀廢井沒荒草陰牖生綠苔門前車馬散非復昔時來

睢陽感懷

豺虎犯天綱昇平無內備長驅陰山卒略踐三河地張侯本忠烈濟世有深智堅壁梁宋間遠籌吳楚利窮年方絕輸鄰援皆攜貳使者哭其庭救兵終不至重圍雖可越藩翰諒難奔飢喉待危巢懸命中路墜甘從鋒刃斃莫奪堅貞志宿將降賊庭儒生獨全義空城唯白骨同往無賤貴哀哉豈獨今千載當獻款
廣德中洛陽作

生長太平日不知太平歡今還洛陽中感此方苦酸飲藥本攻病毒腸翻自殘王師涉河洛玉石俱不完時節屢遭斥山河長鬱盤蕭條孤煙絕日入空城寒寥廓之高步緝道守微官西懷咸陽道躑躅心不安

閭門懷古

獨鳥下高樹遙知吳苑園淒涼千古事日暮倚閭門

感事

霜雪皎素絲何意墜墨池青蒼猶可濯黑色不可移女工再三嘆委弃當此時歲寒雖無褐機杼誰肯施

感鏡

鑄鏡廣陵市菱花匣中發宿昔嘗許人鏡成人已沒如冰結圓器類璧無絲髮形影終不臨清光殊不歇
一感平生言松枝樹秋月

歎白髮

還同一葉落對此孤鏡曉絲縷乍難分楊花復相遠時役人易衰吾年白猶少

登眺

登高望洛城作

高臺造雲端遐瞰周四垠雄都定鼎地勢據萬國尊河岳出雲雨土圭酌乾坤舟通南越貢城背北邙原
帝宅夾清洛丹霞捧朝曦葱籠瑤臺榭竊窳雙闕門十載構屯難兵戈若雲屯膏腴滿榛蕪比屋空毀垣
聖主乃東眷俾賢拯元元熙熙居守化泛泛大府思至損當受益苦寒必生溫平明四城開稍見市井喧
坐感理亂迹永懷經濟言吾生有不達空鳥何翩翩天高水流遠日晏城郭昏徘徊訖旦夕聊用寫憂煩
同德寺閣集眺

芳節欲云晏遊遨樂相從高閣照丹霞颺颺含遠風寂寥氛氲廓超忽神慮空旭日霽皇州嵒峩見兩宮
嵩少多秀色群山莫與崇三川浩東注瀾澗亦來同陰陽降大和宇宙得其中舟車滿川陸四國靡不通
舊堵今既葺庶毗亦已豐周覽思自奮行當遇時邕

登寶意寺上方舊遊

寺在武功
曹居此寺

翠嶺香臺出半天萬家煙樹滿晴川諸僧近住不相識坐聽微鐘記往年

登樂遊廟作

高原出東城鬱鬱見咸陽上有千載事乃自漢宣皇頽孺久凌遲陳迹翳丘荒春草雖復綠驚風但飄揚周覽京城內雙闕起中央微鐘何處來暮色忽蒼蒼歌吹喧萬井車馬塞康莊昔人豈不爾百世同一傷歸當守冲漠跡寓心自忘

登西南岡卜居遇雨尋竹浪至澧瑞縈帶數里清流茂樹雲物可賞

登高創危構林表見州流微雨颺已至蕭條川氣秋下尋密竹盡忽曠沙際遊紆直水分野綿延稼盈疇寒花明廢墟樵牧笑榛丘雲水成陰澹竹樹更清幽適自戀佳賞復茲永日留

澧上與幼過月夜登西園翫花

置酒臨高隅佳人自城闕已翫滿川花還看滿川月花月方浩然賞心何由歇

臺上遲客

高臺一悄望遠樹間朝暉但見東西騎端令心賞遲始霽郊園綠暮春啼鳥稀徒然對方物何能獨醉歸

登樓

茲樓日登眺流歲暗蹉跎坐厭淮南守秋山紅樹多

善福寺閣

殘霞照高閣青山出遠林晴明一登望蕭洒此幽襟

樓中月夜

端令倚懸樞長望抱沉憂甯知故園月今夕在茲樓
衰蓮送餘馥華露湛新秋坐見蒼林變清輝愴已休
寒食後北樓作

園林過新節風花亂高閣遙聞擊鼓聲蹴踘軍中樂

西樓

高閣一長望故園何日歸煙塵擁函谷秋雁過來稀

夜望

南樓夜已寂暗鳥動林間不見城郭事沉沉唯四山

晚登郡閣

悵然高閣望已掩東城關春風偏送柳夜景欲沉山

登重玄寺閣

時暇陟雲構晨霽澄景光始見吳都大十里鬱蒼蒼
山川表明麗湖海吞大荒合沓臻水陸駢闐會四方
俗繁節又暄雨順物亦康禽魚各翔泳草木遍芬芳
於茲省此俗一用勸農桑誠知虎符忝但恨歸路長
遊覽

觀早朝

伐鼓通嚴城車馬溢廣躔煌煌列明燭朝服照華鮮
金門杳深沉尚聽清漏傳河漢忽已沒司閤啟晨闌

丹殿據龍首崔嵬對南山寒生千門裏日照雙闕間禁旅下成列鑪香起中天輝輝睹明聖濟濟行
媿無鶯鶯姿短翮空飛還誰當假毛羽雲路相追攀

陪元侍御春遊

何處醉春風長安西復東不因俱罷職豈得此時同貫酒宣平里尋芳下苑中往來楊柳陌猶避昔年驄

遊龍門香山泉

山水本自佳遊人已忘慮碧泉更幽絕賞愛未^{一作不}能去潺湲寫幽磴繚繞帶^{一作對}嘉樹激轉忽殊流歸

泓又同注羽觴自成^{一作伐}歡永日亦延趣靈草有時香仙^{一作山}源不知處還當候圓月携手重遊寓

龍門遊眺

鑿山導伊流中斷若天闢都門遙相望佳氣生朝夕素懷出塵意適有携手客精舍遶層阿千龕鄰峭壁
緣雲路猶緬愁澗鍾已寂花樹發煙華淙流散石脉長嘯招遠風臨潭漱金碧日落望都城人間何役役
洛都遊寓

東風日已和元化亮無私草木同時植生條有高卑罷官守園廬豈不懷渴飢窮通非所干跼促當何為
佳辰幸可遊親友亦相追朝從華林宴暮返東城期掇英出蘭皋翫月步川坻軒冕誠可慕所憂在繫維

再遊龍門懷舊侶

嘗與賓黃州洛陽韓丞溫
池李丞密鄭二尉同遊

兩山鬱相對晨策方上千靄靄眺都城悠悠俯清瀾邈矣二三子茲焉屢遊盤良時忽已周獨往念前歡
好鳥始云至眾芳亦未闌過物豈殊昔慨傷自有端

莊嚴精舍遊集

良遊亦時暇乃在西南隅綠煙凝層城豐草滿通衢精舍何崇曠煩謁一弘舒架虹施廣蔭構雲眺八區
即此慶境遠忽聞幽鳥殊新林泛景光叢綠含露濡永日亮難遂平生少歡娛誰能遽還歸幸與高士俱
府舍月遊

官舍耿深夜佳月喜同遊橫河俱半落泛露忽驚秋散彩疎群樹分規澄素流心期與浩景蒼蒼殊未收
任鄆令漢陂遊眺

野水灩長塘煙花亂晴日氤氳綠樹多蒼翠千山出遊魚時可見新荷尚未密屢往心獨閑恨無理人街
西郊遊矚

東風散餘馥陂水淡已綠煙芳何處尋香謁春山曲新禽哢暄節晴光泛嘉木一與諸君遊華觴忻見屬
再遊西郊渡

水曲一追遊遊人重懷戀嬋娟昨夜月還向波中見驚禽棲不定流芳寒未徧攜手更何時佇看花似霰
月溪與幼遐君貺同遊

時二子還城

岸篠覆迴溪迴溪曲如月沉沉水容綠寂寂流鶯歇

一作鶯初歇

淺石方凌亂遊禽時出沒半雨夕陽霏綠源

雜花發明晨重來此同心應已闕

與幼遐君貺兄弟同遊白家竹潭

清賞非素期偶遊方自得前登絕嶺險下視深潭黑密竹已成暮歸雲殊未極春鳥依谷暄紫蘭含幽色

已將芳景遇復款平生憶終念一歡別臨風還默默

秋夕西齋與僧神靜遊

晨登西齋望不覺至夕曛正當秋夏交原野起煙氛坐聽涼飈舉華月稍披雲漠漠山猶隱艷艷川始分
物幽夜更殊境靜興彌臻息機非傲世干時乏嘉聞究空自為理況與釋子群

觀田家

微雨衆卉新一雷驚蟄始田家幾日閑耕種從此起丁壯俱在野場圃亦就理歸來景常晏飲犢西澗水
飢飢不自苦膏澤且為喜倉廩無宿儲徭役猶未已方慙不耕者祿食出閭里

園亭覽物

積雨時物變夏綠滿園新殘花已落實高笋半成筠守此幽棲地自是忘機人

觀澧水漲

夏雨萬壑湊澧漲暮渾渾草木盈川谷澶漫一平吞槎梗方瀾泛濤沫亦洪翻北來注涇渭所過無安源
雲嶺同昏黑觀望悽心魂舟人空歛棹風波正自奔

陪王卿郎中遊南池

鷓鴣俱失侶同為此地遊露浥荷花氣風散柳園秋煙草凝哀瑣星漢泛歸流林高初上月塘深未轉舟
清言屢往復華樽始獻酬終憶秦川賞端坐起離憂

南園陪王卿遊瞻